

Edizione diplomatica

[199rb]

Image not found https://letteraturaeuropea.let.uniroma1.it/sites/default/files/Amics-C.jpg	Raym A Micx baut daurenca. ab gran cossirier suy p(er) uos (et) en grai pena. e del mal qieu mal no mier. no cre que uos sentatz guaire. doncx per queus metetz amaire. pus a me laissatz tot lo mal. qar ab duy nol partem equal. D ona amors a tal mestier. pus dos amicx en cadena. quel mal qan el alegrier. senta quecx a son ue iaire. quieu pens e non suy gua baire. que la dura dolor coral. ai eu tota amon cabal. A micx sacsetz un cartier. de la dolor quem malmena. be uiratz mon en combrier. mas nous cal del mieu dan guaire. que quar no men puesc estraire. cu(m) quem an uos es cominal. an me ben o mal atretal. D ompna quar yst lauzengier. que man tout sen (et)alena. son uostranguoyssos guerrier. lays men non per talan uaire. qar nous suy pres quab lur braire. uos an bastit tal ioc mortal. q(ue) noy auzem iauzen iornal. A micx nuhl grat nous refier. quar ial mieus dans uos refre na. de uezer me queus enqier. e si uos faitz plus gardaire. del
--	---

[199va]

 Image not found https://letteraturaeuropea.let.uniroma1.it/sites/default/files/C.png	mieu dan quieu no uuelh fai re. beus tenc per sobre plus ley al. que no son silh del espital. D ona ieu tem a sobrier. quaur perdi e uos arena. que per dig de lauzengier. nostra mor tor nes en caire. per so dey tener en guaire. trop plus que uos per sanh marsal. quar etz la res q(ue) mais me ual. A micx tan uos sai lauzegier. e fait damoroza mena. quieu cug que de caualier. siatz deue(n) gutz camjaiyre. e deg uos o be(n) retraire. quar ben paretz que pessetz dal. pos del mieu pensa men nous cal. D ona ia mais espauier. no port ni cas ab cerena. sanc pu eys quem donetz estier. fuy de nulh outraen quistaire. ni no suy aital bauzaire. mas per enuejal deslial. mo aleuon em fan uenal. A micx creirai uos per aital. quaissius aya tostemps leyal. D ona aissi mauretz leyal. que iamaï non pensarai dal.
--	---

- letto 540 volte